


HIRIKO HAMAR MUSEOTAN ZEHARREKO IBILBIDEA



Bilbo mundu osoan eman du ezagutzera, pertsonengan oinarritu eta une oro etorkizunera bideratutako garapen-eredu berri bat ekarri duen hiri-eraldaketa prozesuak.

Baina Bilbo estu-estu lotuta dago bere sustraiekin eta zazpi mende luzeko historian izandako oztopo guztiak gainditzen lagundu diguten balio ukiezinekin, betiere ilusioari eutsiz, eta bizitzeko, lan egiteko zein pertsona guztientzako bizimodu duinaz goatzeko munduko lekurik onenetako batean egoteaz harro.

Arte Ederren Museoa




Ibilbide artearen historia orokorrean, XII. mendetik gure egun hauetaraino.

Indautxu auzoan, Kasilda Iturrizar parkean, EDERREN Bilboko Arte Ederren Museoa dago. Museoan, pinturen eta eskulturen bilduma zabal bat dago, eta, hartara, artearen historian ibilbide atsegina egiteko bidea ematen du, XXI.

mendea arte.

Euskal arteko artista entzutetsuenen artelanak daude: Arteta, Arrue anaiak, Losada, Guiard, Iturrino, Zuloaga, Quintín de la Torre, Juan de Echevarria, Chillida, Oteiza, Ibarrola, Gal, Herrero, Lazkano...

Guggenheim Bilbao Museoa



Nahitaezko bisita, arte garaikideko museo ospetsu honen edukia eta edukitzailea ikusteko.

Guggenheim Bilbao Museoa sortzea euskal administrazioen eta Solomon R. Guggenheim Foundation fundazioaren itun berri baten emaitza izan zen, 1997ko urrian gauzatu zena, Museoa inauguratu zenean. Nazioarteko bokazioa izanda eta begirada berezia duela bertako gauzetara, asmo handieneko itzaropen artistiko eta kulturalak gainditu dituen errealitatea da Guggenheim Bilbao, eta, gainera, paregabeki lagundu du hiriaren eta bere ingurunearen hirigintza-, ekonomia- eta gizarte-berroneratzean.




Euskal Museoa

1921ean inauguratu zuten eta Bilboko Alde Zaharrearan dago, Jesusen Lagundiaren garai bateko San Andres ikastetxearen eraikinean. Euskal Museoak aldi baterako itxi dizkie ateak bisitariei, osorik berritzeko lanak egin ahal izateko.

Edonola ere, historiari eta etnografiari eskainitako museo honek ez du jarduera eten, ikertzeko, katalogatzeko, dokumentatzeko, kontserbatzeko eta funtsak zaharberritzeko lanak egiten jarraitzen baitu. Eta bai etorkizuneko erakusketetarako prestatzeko ere.

Museoko funtsetan, 50.000 pieza eta 38.000 argazki baino gehiago daude.



Berrenginen Museoa

Museo hau erreproduzio edo kopia artistikoei eskainita dago, Bilbo Zaharrearan, San Frantzisko auzoan. Egoitza Mariaren Bihotzaren garai bateko eliza da, neogotikoko altxor txiki bat, Jose Maria Basterra bilbotar arkitektoarena.

Maisulanen kopia zehatz-zehatzek eratzen dute bilduma, museo ospetsuetan kontserbatzen diren jatorrizkoen lehen kopiek.


Artearen historiako estatua nabarmenenetako batzuk tamaina naturalean ikusteko bidea ematen digu bisitak: Atenasko Partenoiko Panateneen frisoa; Venus Miloskoa; Samotraziako Garaipena; Belvederereren Apolo; Apoxiomeno; Laokoon eta bere semeak; Migel Angelen Esklabuak eta Moises...

Itsasmuseum Bilbao



Euskalduna ontziolak zeuden toki berean kokatuta, Itsasmuseumen xedea da itsas kultura babestu eta zabaltzea, batik bat Bilboko itsasadarretik Bizkaiko golkoraino hedatzen dena.

1511n sortutako Bilboko Kontsulatuak izan zuen garrantzi historikoa azaltzen du erakusketa iraunkorrak, portuaren merkataritza- eta industria-jarduerak, ontziolak, itsasertzeko arotzeria eta itsas salbamendua. Aisiak eta kirolak ere badute tokia Museoan: direla traineruak, dela surfa. Azken horrek, hain zuzen, berriazko gune bat du Museoan.



Eleiz Museoa

Leku xarmagarria, non eskultura eta pintura toki eroso batean mimetizaten diren.


Bilboko Eleiz Museoa Atxuri auzoan dago, Inkarnazioaren komentu zaharrean, domingotarrenean.

Eraikina 1995ean zaharberritu eta inauguratu zen, eta komentu zaharraren kutsu historikoari eusten dio. Klaustro ederrak eta areto zainduak bake- eta lasaitasun-giroa sortzen dute, eta bisitaz gozatzeko lagungarriak dira.

Pintura eta eskultura modernoak eta antzinakoak ditu erakusgai, eta bai urregintzako elementuak eta erlijio-ornamentuak ere. Artelan gehienak Bizkaiko eliza, komentu eta ermitetatik iritsi dira.

Museoa, era berean, "Atxuriko abadia" ihes-joko originalaren agertokia da.

Zezenketa Museoa



Museo hau 1995ean inauguratu zuten, eta Vista Alegre zezen- plazan dago, Ametzola auzoan.

Tauromakiaren historian ibilbidea egiten du, besteak beste, ehundik gora argazkirekin irudizatuta dauden testu didaktikoen, Goyaren irudien, zezenketa desberdinetako kartel originalen, toreatzeko jantzien, liburuen eta Bilboko garai bateko zezen-plazen maketen bidez.



Arkeologi Museoa

Alde Zaharrean, Mallonako eskaileren ondoan, Bizkaiko Arkeologi Museoa dago, Lezamako trenaren garai bateko geltokia zegoen eraikinean.

Prim kaletik, udal-igogailu batek Museora iristeko aukera ematen du, eskaileretatik igo behar izan gabe.

Arkeologi Museoa foru-museoa da, Bizkaiko historia erakusten duena bertako biztanleek utzi dituzten aztarnen bidez, Historiaurretik garai historikoetaraino. Bizkaiko arkeologia-ikerketen erreferentziatzko guneko eta kanal hedatzaile bihurtu da, lurraldearen historiaren ezagutza zabaltzera, arkeologia-ikasketak sustatzera eta arkeologia-materialen gordailua, kontserbazioa eta berriztapena bermatzera bideratuta dauden jardueren bitartez.




Pasio-irudien Museoa

Bilboko Aste Santuko Pasio-irudien Museoa Iturribide kalean dago, Alde Zaharrea, XVIII. mendeko eraikin neoklasiko batean.

Kofradiakideek Aste Santuan prozesioetan eramaten dizuten Kristoren Pasioko Gurutze Bideko pauso gehienak erakusten ditu Museoak, Bilboko elizetan dauden beste pauso batzuekin batera.

Pauso horiek ezin konta ahala alditan ibili dira Bilboko kaleetan. Haietako batzuek XVI. eta XVII. mendeetan egin zituzten. Beste batzuk XX. mendekoak dira, Bizkaiko eskultoreek eginak, hala nola Quintín de la Torrek eta Ricardo Iñurriak.

Athletic Club Museoa



Bidaia hunkigarria, filosofia bakarra duen talde baten historiaren bidez

Basurtuko auzoan dago, San Mames estadioan, futbolaren katedralean.

Estadioko 19. eta 20. ateen artetik sartzen da Museoan, Rafael Moreno "Pitxitxi"ri eskainitako kalean. Hain zuzen, Espainiako ligako goleatzaile handienen sariari izena ematen dion bilbotar futbol-jokalari apartari eskainitako kalea da.

Legendazko talde baten historian sartzeko bidea ematen du Museoak, 1898an sortua, kirol-filosofia eta balio bakan batzuei eusten baitie.

[Deskargatu gida osoa hemen](#)